

HLAHISA MAIKUTLO

Memo bakeng sa dinyehelo tsa setjhaba

Bili ya Phetolo ya Dingodiso tsa Ditokomane tsa Thepa [B28-2022] kar ya 75

Komiti e Kgethilweng ho tsa Kabobotjha ya mobu, Tikoloho, Mehlodi ya Diminerale le Eneji e mema batho ba nang le thahasello le ba nang le seabo ho fana ka dinyehelo tse ngotsweng ka Bili ya Phetolo ya Dingodiso tsa Ditokomane tsa Thepa [B28-2022] S75

Bili e batla ho fetola Molao wa Dingodiso tsa Ditokomane tsa Thepa wa 1937, e le ho lokisetsa ho hirwa ha mongodisi wa ditokomane, motlatsi wa mongodisi wa ditokomane le mothusi wa mongodisi wa ditokomane ho ya ka dipehelo tsa Molao wa Tshebeleto ya Setjhaba wa 1994; ho tswela pele ho laola ditlhoko tsa mangolo a mongodisi, motlatsi wa mongodisi wa ditokomane le mothusi wa mongodisi wa ditokomane; ho lokisetsa ho hirwa ha mongodisi e moholo wa ditokomane tsa thepa; ho fana ka boikarabelo le mesebetsi ya mongodi e moholo wa ditokomane tsa thepa; ho fana ka tlaleho ya ditokelo tsa tokelo ya mobu tse fanweng ka molao ke Mmuso kapa bolaodi bofe kapa bofe bo nang le bokgoni; ho tswela pele ho lokisetsa ngodiso ya dikgeo tsa kgetho mabapi le ditokelo tsa nnete tse ngodisitsweng molemong wa dikgiriso; ho hlakola tshupiso ya ngodiso ya dikhopi tsa matla a mmuelli bukeng e nngwe ya ditokomane tsa thepa; ho lokisetsa tlhahlobo ya direkoto le phepelo ya tlhahisoleseding ke mongodisi e moholo wa ditokomane tsa thepa; ho tswela pele ho laola botho, mesebetsi, sebolepho, matla a ho vouta le meputso ya ditho tsa boto ya melawana ya ngodiso ya thepa; ho lokisetsa bakeng sa Letona ho etsa melawana e mabapi le Molao ona le Molao wa Ditsamaiso tsa Ngodiso ya Thepa ka Elektroniki wa 2019; ho lokisetsa hore Letona le etse melawana mabapi le pokello ya tlhahisoleseding e amanang le morabe, bong, boahi le botjhaha molemong wa dipalopalo le tlhahlobo ya mobu; ho laola hape ngodiso ya mobu wa Naha; ho laola hape phano ya mangolo a thuo ya thepa a ngodisitsweng a diabo tse sa arolwang mobung; ho tswela pele ho laola dinako tsa ho ngodiswa ha dibonto tsa notari ho ngodiso ya thepa e fetang e le nngwe; ho lokisetsa bakeng sa kotlo mabapi le diketso tse mpe kapa ditloheloo tsa mongodisi kapa ofisiri mabapi le mesebetsi ya bona le batho ba bang bao e leng karolo ya kopanelo ; ho lokisetsa pehelo ya kotlo mabapi le tokiso e sa dumellwang, phethahatso le bopaki ba ditokomane tsa thepa le ditokomane; ho kenya tlhaloso ya ‘mmuelli’; ho lokisetsa hore mmuelli, mofetisi le mmuelli ya nang le matla a molao ho paka le ho

nnetefatsa ditokomane ba hirilweng ke Lefapha la Temo, Kabobotjha ya Mobu le Ntshetsopele ya Mahae ba ka phetha mesebetsi ya mmuelli, mofetisi le mmuelli ya nang le matla a molao ho paka le ho netefatsa ditokomane mabapi le diphapanyetsano tse amanang le mobu wa Naha; ho kenya le ho fetola ditlhaloso tse itseng; ho lokisetsa phetolo ya Molao wa Ditsamaiso tsa Ngodiso ya Thepa ka Elektroniki wa 2019, ho isa tekanyong e boletseng Sejuleng; le ho lokisetsa dintlha tse amanang le tseo.

Dipotso, hammoho le dinyehelo tse ngotsweng, di ka lebiswa ho Mong Asgar A Bawa, Komiti e Kgethilweng ho tsa Kabobotjha ya Mobu, Tikoloho, Mehlodi ya Diminerale le Eneji ka imeili ho deedsregistriesamendbill@parliament.gov.za

Letsatsi la ho kwalwa bakeng sa dinyehelo ke Mantaha, la 15 Mmesa 2024.

Dikhopi tsa Bili di ka fumaneha ho Mong A A Bawa ho Selefounu 083 709 8530 kapa ho www.parliament.gov.za.

E hlahisitswe ke Mof TC Modise, MP, Modulasetulo wa Komiti e Kgethilweng ho tsa Kabobotjha ya Mobu, Tikoloho, Mehlodi ya Diminerale le Eneji